

出使美日秘國日記

序

日記者記逐日所行之事鉅細不遺以紀實也出使日記與尋常日記不同必取其有關交涉裨法戒此外皆所略焉上下五千年五帝三王不相沿襲陳言均無取矣縱橫九萬里蓋地之圓山海之經荒遠可無稽矣然則日記云者記今日可記之事耳唐風曰職思其居孔子曰言思可道此之謂也外國各學均有專門名家童而習之至老不渝其講交涉者匪僅公法之熟亦恃平日於各國交涉之事所聞見者多而取精用宏也我國風氣之開僅數十年宏儒名宿或鄙夷而不屑道其閒深於閱歷得諸親嘗而囿器數者既知之而不能言懾清議者又言之

而不敢盡將何以拓心胸開風氣哉因業醫四十年猶憶少時之學醫也取古人所論藥性病證讀而記之然後玩漢唐以來諸名家辨證立方用意之所存揣摩就熟乃以問世凡藥之偏勝者皆足以療偏勝之疾以適於中不僅驅使平易近人之草木也處方雖簡而儲藥必備牛溲馬勃不以爲世所賤而棄之苟濟於用其活人延年與青芝赤箭同是編用意相似有苦心焉願知我罪我者諒之是爲序

光緒十九年八月二十六日自序於太平洋槎那舟中

出使美日秘崔日記

光緒十五年九月初一日晴戌刻到華盛頓小雨

查金山至華盛頓計程一萬一千里五日而到途中每日尙停車十餘次以備搭客上下爲時甚久大約每半時辰可行一百八十里至二百里如途中不停兩日可到可謂速矣途中初歷崇山山中松木盤鬱直挺可作棟梁次日所見皆平衍沃壤數十百里必有大鄉鎮中間荒土甚多五百年內不憂人滿聞五十年前尙覺蕭條今則蕃衍富庶甲於諸國非火車之力不能如是之速也到時出使大臣張蔭 已偕隨員問訊同車至棧恭請皇上聖安然後彼此行禮談至子刻而散寓客棧

初二日晴

在客棧不能洋餐由出使大臣張蔭 送飯一鑽菜三品得以飽食未後因先移入使館只空房二間隨員尙不能移 美屬阿拉斯喀在北墨洲之西北隅同治六年以銀七百二十萬圓購入美國版圖計五十八萬英方里居民甚稀今聞該地已有金礦擬由議院議撥經費選派人員查考土宜以便開闢云 因謹按美國以銀購地地實產金鬻地者不知地之所產較所需者實萬萬倍也古人所謂一寸山河一寸金者於此益信

初三日晴申刻雨

律師科司達來會言近數十年來槍礮之製與日俱新美國機器

廠以云者斯德廠爲著名中國近年多購此種因答曰自來復槍之製出各廠所造皆不能離此法取其所指準而所透深也英廠黎斯皮代繼之那頓非爾又繼之麥新駿又繼之然不久而卽有停歇者新式槍礮幾於汗牛充棟要在川之得其人耳苟非其人雖有利器不足制勝也

初四日晴

已刻接印謝

恩行三跪九叩禮拜印亦行三跪九叩禮拜發奏報接印日期摺是日札委楊慕璿爲駐日斯巴尼亞國參贊興心湛爲學生彭光譽署二等參贊汪洪霆爲三等參贊李春官饒鳳起杜延祐爲隨

員拜發接印摺並咨呈譯署又請撥經費文 閱前任案光緒二  
年九月總理衙門咨到出使經費酌定數目及川資行裝歸裝各  
員薪俸關防滙銀各事粲然大備又已領行裝不能出洋者飭令  
繳回等因又咨到本衙門大臣崇奏云奏爲出使隨員亟宜慎選  
以杜冒濫責成出使大臣隨時考查其不能得力者破除情面卽  
行撤回勿得徇隱奉

旨依議讀之悚然應如何勤慎將事方能稱職陳任案

初五日晴

撥付駐日參贊楊慕璘川資銀一千八百六十二兩卽於明日啟  
行赴日 舊案載使館房租每月美銀五百圓每年六千圓 因

按外洋費用之巨於此可見一斑現居使館爲鄭任所手賃價亦如前並不宏敞其宏敞者價且倍之館後外部布連業主一楹每年一萬餘圓泥沙金銀至斯而極陳任案

初六日晴小雨

是日前出使大臣張蔭 午刻見總統辭行 光緒三年正月二十四日出洋肄業局稟幼童一百二十名經費銀一百二十萬兩漸不敷用請添增銀四十九萬二千兩云云北洋大臣李批查容道本係原議章程之員美國又爲熟遊之地南北花旗戰爭亦非在定議出洋之後當議章之始凡書院之大小束脩膏火之多寡物價之貴賤該道應已一一通籌不然何以原議稟內有通計二



十年經費百二十萬自無缺乏之語雖現在用費較多有原議所不及料之處然所短亦不至太巨今遽請增至四十九萬二千兩實覺相去懸甚爲數過鉅云云

陳任案

初七日晴

美國數大名城人數若紐約若費拉得爾費若希卡果若弼樂克零若保司登人數皆有百餘萬或數十萬紐約一城以城外附近各處人民計之幾有二百八十萬希卡果人數亦視費城爲多故美國城之大以紐約爲首而希卡果次之 光緒五年正月寓小呂宋華商陳最良具呈以小呂宋官員苛稅虐政請援六年七月駐日黎參贊照日外部請設領事九月又照催之外部覆以須由藩部主政始終推諉

初八日晴小雨

明日遞

國書因率參贊繙譯等於使館先演禮 光緒三年十一月總理衙門咨稱本衙門附奏請飭出使各國大臣隨時咨送日記等因查出洋差使本以聯絡邦交採訪風俗隨所見聞參互記之交涉竅要卽在其中富強之模亦有補焉 陳任案

初九日晴

拜發呈遞

國書摺 見總統遞

國書已刻帶參贊一人隨員二人繙譯二人坐馬車至外部門首

日

記

卷一

四

有人接入路寬不過一丈約行十丈至一小房坐房中有機器升至樓上然後出房至一處見總辦副外部卽偕行至公使客廳先有二人在焉因等亦坐定副外部以腋夾因一手偕至外部大臣布連處布連立談作寒暄語遂同車至總統宮布連亦以左手夾因一手引入總統之客廳布連入內少頃總統至立堂下之中布連立總統之右因與總統對面立參贊等分兩邊立因鞠躬者三立近數步出懷中紙誦頌詞畢恭遞

國書交總統總統敬接受交布連乃出懷中頌辭誦之誦畢近前握手爲禮作寒暄語禮畢總統退因與布連亦退總統外部大臣均科頭不冠常服因與隨員皆行裝禮甚簡山外部衙門回遂謁

各國公使

初十日晴

美國米西西比河與中國黃河相似因以中國黃河屢決民人蕩析國帑多糜查詢美員據云米西西比河前此曾費銀三千餘萬得以無事然亦難恃仍恃時時防之又云美國治河以收束河身束水入海使泥淤不留此法固善但治河之法亦非一端地球各國講求水利以和闢爲第一緣和國四面皆海其地勢甚低窪故於防水最切該國防水既設直隄直隄之外又設橫隄蓋直隄依水爲之以防水之外溢橫隄又設於直隄之外遙隄之內即使直隄潰破有遙隄阻之又有橫隄格之水勢潰過直隄又至橫隄其

力已減可以自止不至遠流修治亦易也因謹其言歸援筆而記之  
謁美各部堂官三日而畢

十一日晴

航海會委員陳恩燾賈凝禧到 謁外部各部見戶部大臣談及  
美國出口貨物據云美國出口棉花計值銀二百五十兆圓糧食  
計銀一百五十兆圓油肉兩項計銀一百三十五兆圓牛羊豬三  
項計銀三十二兆圓共數少者未能全記已五百七十二兆圓合  
中國銀五萬萬兩零矣

十二日晴

謁議院紳 美軍器廠創造氣礮久已著名光緒十年法爭越南

時中國大吏李鴻 張之 向購以不能試驗未成近聞德國有  
人名葛魯生者已能仿造未知確否 光緒四年二月總理衙門  
咨稱自天津條約議定以來中外交涉事件無不照章辦理而各  
國猶有辭因以貨物出入內地釐捐不歸管轄一體均霑四端反  
覆辨論令告美外部可謂詳盡 因按外國與他國交涉無不好  
佔便宜中國於外洋入口之稅所訂至輕查內地江河泰西各國  
向不准他國之船行駛今准其運入內地乃欲并釐捐而除之是  
將求其貨物成本愈輕以奪我出產之利也滬上租界章程其初  
議本未當乃欲推及他處干預我之內政此必不可行者一體均  
霑卽泰西報施之約平等交涉豈有有施而無報者豈有不施而

索報者彼族習於我

國之寬大隨處覬覦誠宜有以限制之也 陳任案

十三日晴

答拜陳恩燾賈凝禧該員以客棧食用太費請借使館暫寓允之  
查美國大書院有三百六十所分布各省讀書其中者六萬九  
千餘人小書院不可勝數民閒子女幼時無不讀書卽黑人亦無  
不識字可謂教養兼備矣

十四日晴

陳賈二員移入本署 謁律師科司達 美國鑄銀錢之局每鑄  
銀一兩可獲利二錢五分鑄銅錢之局每鑄一千斤可獲利銀九

百兩 因謹按外洋官商通用無所謂計兩之銀也各國皆以本國所鑄之錢交易亦不用他國之錢也其不計兩者防奸人之減平減色所以便民其不用他國之錢者防本國之利爲他國所侵所以裕國中國戶部寶泉局歲鑄大錢大抵以十萬之本鑄五萬之錢是於國無利矣然猶曰欲以便民也乃制錢一出而奸人輒銷燬以售銅或以改鑄偶有破案置之大辟是不能便民而且以病民矣其弊由於錢質重故銷者有利鑄法不精工故私鑄易仿爲也因嘗奏陳其弊矣

十五日晴

美國各埠前用火車馬車者今閒改爲電氣行車華盛頓已有之



較之馬車爲速而聲不嘈雜且無煙氣聞英法各國均有之光  
緒四年十一月出使大臣郭咨稱華商稟言英屬域多利征華人  
身稅按名四十圓請告英政府刪除當卽咨照英外部外部覆稱  
已咨藩部核辦等因 因查華民所寓英國屬地如新加坡新金  
山卡拏大均有身稅法於越南日斯巴尼亞於小呂宋古巴荷蘭  
於三寶瓏均征華人身稅泰西嗜利無厭其情然也域多利地方  
近日仍收華人身稅則此例藩部實未除矣 陳任案  
十六日晴

律師科司達偕其夫人來拜 再謁各國公使英公使俄公使西  
班牙公使均見 中墨洲哥斯答立憂國版圖甚小約抵中國兩

府人數計二十餘萬而善於經營五十年前國家進款不上二萬圓近年竟增至四百萬圓其出口之貨以茄非爲盛云 光緒五年二月奏派山域治埃閣商董等因 因查地球圖太平洋島國俗稱爲檀香山者又名夏威夷泰西實稱爲三德桅蚩其都城名霍納奴奴附此以備參考 陳任案

十七日晴

送律師荆緞一疋熟羅一疋虎皮一張五層磁盒一對 因聞美國郵政局近歲入款至五千萬圓可謂鉅矣泰西各國皆以此爲入款之一至派大臣以經理之如美國之有郵政部大臣是也中國以驛站遞公文以信局遞書信分而爲二以視泰西之合而爲

一者殊矣驛站之費每年約費國帑三百萬兩以視泰西之作爲進款者又殊矣驛站便官而不便民以視泰西之官民均便者又殊矣古之聖人見蝌蚪而造字見蜘蛛而造網見轉蓬而爲車見竅木而造舟固取法於昆蟲草木矣又何必以外國而鄙棄之哉十八日晴是日甚暖可着單衣

美國鍊鐵廠每年所出鋼鐵一千三百萬噸其鍊鐵廠內鑄鐵之爐五百餘座壓鐵機器四百餘件壓鐵之爐六千餘具化鋼之爐不可勝計其法亦多造鋼之廠計一百三十餘所三十年前每鋼一噸值銀一百四十兩自新法出而造成較易近日每鋼一噸只值銀二三十兩計每年所川鋼四百兆噸所省銀三四百萬兩然

則新法之益大矣

十九日陰 申刻以後雨

英公使俄公使來會 美國農民種地及果木每年納地租銀五萬五千圓 光緒五年五月北洋咨稱美國賠款盈餘銀兩酌商交還濟用等因 因查此項本銀二十萬圓歷十四年息已逾三十萬本息共五十餘萬圓足見外國善於理財嗣於鄭任一律收回矣

二十日雨

米建威來謁自言曾至中國見李傅相盛宣 馬建忠 美外部布連派黑人德禮時爲駐奚公使欲該島歸美保護並三德明哥

島亦歸美國保護 光緒六年五月駐日參贊寄到安南與日國和約計十二款蓋光緒三年所訂也其第六款如日國人民在安南犯案應由日國領事查辦照日國例定罪如安南人民在日國犯案亦按照日國例定罪顯有軒輊此歐洲與亞洲立約習氣也

陳任案

二十一日晴

各國產金以美國爲最多按年計之聞美國歲出六百八十七萬磅新金山五百六十九萬磅俄國四百一十八萬磅中國七十萬磅印度六十七萬磅德國三十一萬磅日本七萬磅義大利二萬磅 光緒五年十二月南北洋大臣咨到

上諭福建船政局近來專徇情面濫竽充數提調監工不諳洋務所造輪船難以適用虛糜薪水出洋學生近來多入耶穌教等因因按從前沈文肅嘗言船政局講求造船大臣不如監督監督不如工頭其信然歟出洋學生入教由於提調失人近且有肄業學生失業之事廢弛真不可問矣尋於光緒十一年撤回陳任案二十二日晴

偕畢士璧陳恩燾賈凝禧三人往外部赴航海會并見總統總領事左庚赴金山光緒五年十二月洋員副領事傅理祕來函云美國上等人因中國派爲副領事均以禮相待惟埃利土工黨聲言將其刺死然不足畏蓋深悉工黨之情形云因按工黨之

妒華人已非一日惟彼時美國官紳尙未顯附工黨今非昔比矣  
陳任案

二十三日晴

赴航海會此會應推一人爲主議英水師提督推美國水師提督  
爲主議衆允之水師以英爲最強故創言由英而衆不敢抗孫武  
子所謂勇怯勢也強弱形也 因謹按美國創航海會其實美國  
兵船殊不足稱而商船則差勝查兵船之數英國五百十六艘法  
國三百四十二艘德國二百五十二艘義國二百二十二艘俄國  
二百二十艘中國九十六艘日本國八十六艘查商船之數英國  
四千八百八十五艘德國六百四十艘法國四百九十艘美國四

百二十五艘俄國二百二十艘日本國一百七十二艘中國四十  
二艘 因謹按以上各國俄英之土地稍廣於中國而一則荒寒  
磽瘠不如中國之膏腴一則散碎奇零不如中國之生聚至論其  
民則惟英俄得中國之大半其他德法各國皆不過十之一耳然  
其進款皆四倍於中國則以商務之盛也中國自開闢以來均以  
貴粟重農爲本以商爲末自是王道然弧矢之威一變而爲槍礮  
天塹之險一變而爲坦途議守議戰其費百倍於前人商務不興  
費必不給物窮則變聖訓有明徵矣

二十四日晴

聞東洋登奇謹地方大遭水災漂沒人數八千 自有遠鏡以來



以美國之鏡爲最大所見亦最遠其第一大者在金山山顛其鏡寬三尺六寸係美國大富戶里克創成故名里克千里鏡里克因創此鏡先修房屋費一百萬餘圓山此鏡窺天水星已可明白其中在地有河有海有島有冰雪有雲一一可辨第二鏡在華盛頓因往觀之其房爲圓形有機器可旋轉如意鏡面寬三尺餘長約二丈餘以機器運動南北東西均可準對以窺天則無星處多有星且有紅色藍色者以窺月則月中只見水溶溶然其光射目不可久視及目離鏡則目光晃耀不能見物閉目久之方可復元與視日彷彿矣察天文之總辦爲因言天行至速遠鏡之架以電氣運之其運之之遲速一準於天之行然後可以久視而見之否則

天行而遠鏡不行不過刻許而星已離鏡矣

二十五日晴

美國地利向謂北多礦產南宜植物近日查考則南境亦有礦且有一礦而煤鐵分列左右於製造最爲便利者南礦之開又漸多矣 因謹按美國之礦甲於地球而習礦學者多開礦者亦多殆所謂有土有人有人有財乎中國之礦泰西各國均以爲極廣而鄙言洋務者乃創言爲天地留不盡之藏置目前之急務而不與是說也因竊疑之

二十六日晴夜雨

美國內部大臣新建苛制華人假道三事電達各口岸稅司遵行

卽商之律師議與駁詰 美國各部公事皆用女人謄寫列肆亦用女子郵政局寫字亦用女人每月工資銀五六十圓至八十圓不等聞英國亦然 檀香山爲大東洋之島國地廣人稀華人趨之者衆土人忌之光緒六年派主事朱和鈞往查於次年奏設領事矣而檀國以兩國無約於公法不合遂改領事爲商董焉 因按墨洲開闢僅二百餘年土人皆黑種而甚少各島尤稀故華人相率而往保護無人故土人嫉之公法設領事必由主國給准照檀島以無約不給准照則無保護之權故改爲商董亦權宜補苴之計耳 陳任案

二十七日晴

日本附輪赴檀香山之民是次計一千八百名 美國紳士言煤油之利實創始於美國創始之時初開一井第一年出油五千桶每桶三百斤以後開井日多次年卽出五十萬桶第三年出二百萬桶至一千八百七十年出六百萬桶一千八百七十四年出一千一百萬桶一千八百八十年出二千六百萬桶一千八百八十二年出三千一百萬桶本國不可勝用始出售於五洲各國俄國所出亦多自一千八百六十三年巴庫地方出煤油五千餘噸以後漸多至一千八百八十九年遂出三百三十萬噸始以美國爲最多者今俄國又出於其上且用以代薪地不愛寶任有力者取而用之耳 因謹按土爲萬物之母天下之物未有不生於土者

也開礦之事或以爲洩地之氣或以爲盡地之藏不知地之厚三萬里地球開礦其至深者至七十丈止矣尙未及數萬分之下而何能洩其氣又何足盡其藏乎惟不得其人不得其法則雖言與利而無利可興不免背議耳

二十八日晴中夜大風送雨

德國開議院以修武備整頓水陸軍立銀行究辦會黨設理藩院專理本國屬土事宜爲要務德皇卽擬親遊各國會晤各國君主以修睦誼固邦交 光緒六年二月古巴領事以古巴約成照會古巴總督山日國備船送回被拐之生員洗佐邦李貞元守備廖楚安楊大志老年陳羅等七名又釋放監禁之華工若干名給以

執照等因 因於光緒十五年三月奉

使美日祕曾至總理衙門考究前案知古巴之虐待華人始由美領事英國禁奴會發之各國皆不以日國爲然日使初猶囑強繼派員查明屬實乃始就範立約而華人出水火矣 陳任案

二十九日大雨天氣轉寒午正下爛雪至地而化

南亞美利加厄瓜多國惡愛基埠地方以華人入境日多議禁華人入境 光緒六年美國約各國議防黃疫名爲防疫會議者十八國中國公使與焉考其所議以所居潔淨爲本防生疫也以查驗入口之客民爲事并令領平安之照爲憑防染疫也議多委瑣繁重必不可行卒以罷議 因於此見美國之用心焉各國客民

之來美者年多一年美之民數驟增蓋有人滿之慮矣藉此限制客民之來亦一策也 陳任案

十月初一日晴

昨訪事人問於下院議紳布郎曰將來會議時禁止華人一事何以處之布郎答曰此事我與諸紳意見不符以爲有背和約曾駁禁絕華工之例華人在此受美人凌辱美廷不爲補救殊屬不公華人素性勤慎天資靈敏謹遵國法絕無滋擾作亂營鑽於官場等事惟只好吸洋煙然與美人飲飛時記酒無差焉華人既受美人欺侮我固謂其不必來美我亦不敢謂華人之可盡行逐回也初二日小雨晴

請英俄日祕檀香山各公使美按察司律司科士達薩祕使未到  
聞英公使言前曾爲香港總督又云印度電綫共有三萬三千  
餘英里所發電報計二百九十餘萬次計收報費銀十二萬餘兩  
除費用外餘銀四萬餘兩因又詢英公使使館章程英公使云自  
公使以下辰正入公事房各辦所司之事申正則息至使館所用  
鋪陳器具除客廳公事房大餐房歸公費購置外公使及參贊隨  
員各房所有鋪陳器具均由本人自行購置卸任時估價售與後  
任仍不相強

初三日雨

前紐約領事易學灝來見仍返紐約 光緒六年四月直隸歸閣



督部堂李咨准總理衙門咨稱小呂宋華民五六萬以該處苛例日增應設領事保護等因 因查此舉至今十餘年未能議妥惜不於古巴立約時趁日國外畏人言一齊訂定近恐不易成矣 陝任案

初四日 東南風大雨未以後晴霧見日

聞俄皇赴德會德皇德相畢思麻與言時事謂宜保全和局俄皇曰如德不先啟釁俄決不爲戎首請勿疑也畢思麻又言德奧義之盟非欲與俄爲敵德英之好亦無妨於德俄之好也 光緒六年八月直隸留閣督部堂李咨由天津至上海設立旱綫電報以通軍報而重防務等因 因查電報之速頃刻百里呼應靈捷最

宜於行軍方兩國齟齬之日戰局和局須臾而變卽戰局已開爲戰爲和亦須臾而變如無電報則此處已決裂而彼處猶不知敵國來攻以備應戰是束手就斃矣方罷戰議和之時和事已定訂明息戰而他處猶挑戰是又違公法矣有電綫則無慮是陳任案初五日晴

中國楊柳交秋卽落葉望冬禿矣此地楊柳浚冬不凋可知天下之理甚大未可以所見所聞概之者此其一也 光緒六年九月總理衙門咨稱七月十八日美國修約使臣來京續修條約等因 因按此卽中美續約所由成也約首言華工日往日多彼此商酌變通而第一款卽定年數人數之限且言限制進口蓋此時已

露禁工之端倪矣 陳任案

初六日晴

美國戶部章程凡本國大小貿易概不收稅惟外國貨物入美國銷售者則重其稅至有值銀千兩而收稅五百兩者蓋欲使本國之人購本國之物庶金銀不漏於外也查美國立國之初有數省不隸美籍者美廷特重其稅使知屬於美者稅可免不屬於美者稅必重卒至望風嚮慕隸入版圖近年以來墨洲之地凡屬他國者如英之卡拿大日之古巴自主之國檀香山皆因美國收入口之稅太重而商民欲隸美籍也見於報者屢矣將來或有變更乎

初七日雨

聞美國水軍提督某於初九日

西十一月十一號

由紐約將所統兵船駛赴

歐洲葡國日國及各國俾精駕駛用輪而外兼用帆行至歐洲後

並往他洲以誇耀本國人才之盛戰艦之堅悍各國不蔑視 光

緒六年九月金山領事報到美國嘉省新議凡不准在本省隸籍

不與投籌公舉省員之別國人等不得請領牌照不准華人設鋪

不准僱用華人徙華人於境外不准捕魚工黨揭竿以逐華人云

云 因按此時太平洋一帶已嫉華民而顯言不與投籌公舉其

用意可知矣 陳任案

初八日晴

光緒六年十一月金山六會館稟華人自相戕殺尋讎不已云云

因查美國此時上下已惡華人行爲如此宜美國輒以有礙昇平爲辭查商家多係正人其不安分者大抵游手之徒不爲鄉里所容遁逃至此耳外洋刑罰甚輕非有互交逃犯之約公使領事均無權嚴懲之也 陳任案

初九日晴 大霧

天津來信云鐵路已停不辦 光緒六年十二月金山領事稟稱兇惡強徒互相朋比各持槍刀白日截殺云云華民行爲如此宜美國之不相容也可慨也夫 陳任案

初十日晴 是夜天氣轉暖得雨

五更起盥洗黎明率使館各員恭祝

皇太后萬壽是日已刻設麪席中刻設酒席醴諸員航海委員陳恩燾賈凝融亦與醴 光緒七年七月寓祕魯華民稟稱被拐來祕之數萬人今遭智利攻破祕國土蒙串同智利兵官強擄販賣已數千人請速援救云云 因查祕魯強預智利與玻利斐亞戰事左袒玻國戰敗智兵入其都城中國寓祕之民尙未設官保護而粵人亦有助紂爲虐於中取利者故罹此辜也 陳任案  
十一日大雨 東風未後晴

洋員柏立病重久不到館蓋半年矣富與律師商酌設法裁之光緒七年閏七月二十九日爲咨解事案照本大臣奉使美日祕三國所有頭年出洋經費等銀經江海關道解到庫平銀二十萬

兩現經貴道台面商劃出庫平銀八萬兩交與貴招商總局其銀隨用隨提乞將收到日期見覆須至咨者右咨督辦輪船招商總局卽選道唐徐鄭任案

十二日晴轉涼

光緒七年八月委辦輪船招商局爲中覆事八月初二日奉此查前項庫平銀八萬兩當於本月初一日如數兌收聽候隨用隨提不誤 因查此款於光緒十一年八月結案鄭任案

十三日晴

查各國疆域以英里計英國連屬地八百六十餘萬里俄八百五十餘萬里中四百四十餘萬里美三百五十餘萬里巴西三百二

十餘萬里土耳其一百八十餘萬里法一百餘萬里和六十餘萬里德三十餘萬里奧二十餘萬里日本十四萬餘里比國一萬餘里 因謹按日本版圖抵中國三十分之一耳而囁強之勢不可嚮邇自夷琉球後而法人生心於越南英人蠶食於緬甸皆日本啟之也中國之形勢何至不如日本而日本乃敢於侮中國哉

十四日晴

十月吳編修嘉善移容副使文照得出洋駐美肄業局各學生業已奉文收局惟局屋係貴大臣與前在事諸人議建現惟有仍由貴大臣暫行派人看管或留或變價歸公亦應統山貴大臣酌定辦理其局中器用各件亦一併列簿照交希卽查收又貴大臣原



交洋字帳單七箱帶回無人認識應仍檢出移交以便查校又交  
來單據工匠估開約須修理銀一千貳百圓繙譯核開洋明年通  
年地稅銀二百七十二圓又明年通年保險一百五十圓看管工  
人二名至明年洋六月底止薪工銀共四百六十圓煤炭水火一  
百四十圓俱明年洋六月底止如數備具銀兩同局屋一所局中  
器用帳簿一本原來洋帳七箱統移貴大臣查收并希卽賜收到  
公文見覆施行

鄭任案

因按此移文可謂光明正大一相形開

而賢否見焉

十五日晴

古巴領事譚乾初曹廉來

十二月覆古巴總領事書云以該島

當日之事勢而能有今日辦理之情形殆始願所不及者官工所  
既經撤去華民滿工者均得爲自主之人雖其行街紙章程朝令  
暮更華民不免受累然較之從前之被虐相去懸絕況各國俱已  
照辦我國自應從衆間下於各埠分派代理每照許給銀紙一圓  
經費無須另籌而能使權自我操洵爲善法鄭任案

### 十六日雨

譚乾初曹廉赴古巴任 十二月總理衙門咨到陳大臣第三次  
報銷奏准案內抄原奏滙水折耗一欸據該大臣冊開奉撥經費  
由上海滙至倫敦再由倫敦分滙巴黎馬得力華盛頓等處轉折  
愈多折耗愈鉅惟各國公使經費均由上海滙至倫敦又由倫敦

分滙各出使大臣均未開報滙水折耗名目此次擬照案准銷仍  
知照接辦大臣鄭藻 令共向會紀 等將收支經費章程詳加  
考訂嗣後冊報應歸一律以免紛歧等因又冊開滙水折耗用銀  
二萬一千三百四十三兩零三分五釐 因查本年共用銀十五  
萬九千三百零七兩七錢七分而折耗如此蓋八五折矣 鄭任案  
十七日陰晴

查各國民數中四百兆英二百五十六兆俄一百二兆美六十四  
兆法六十一兆德四十五兆奧三十九兆日本三十六兆土耳其  
三十二兆和三十二兆巴西十二兆比五兆 光緒八年三月函  
復古巴總領事云歐美兩洲風俗飲食男女最爲切要若欲摺絕

酬應專務辦公於事斷難有濟然亦必須胸中具經緯者方能於酒食徵逐之間善榮辱樞機之用不然或輕佻浮蕩爲彼所輕或恒舞酣歌忘民之事亦未見其能有益也 鄭任案

十八日晴

前美國總統格蘭脫之子來見談次知爲格總統之第三子也

三月美國戶部抄到光緒七年中美條約第二款彼此不得私運洋藥入境 鄭任案 因查美國稅關仍准洋藥入境不過收稅極

重近議每洋藥一磅

計十兩

收稅美銀十二圓又查泰西各國之於

煙酒收稅至重以其非民生日用所需也若夫美之於洋藥且之於呂宋票祕魯之於賭局戲園皆征重稅蓋以爲禁之而終不能

絕不如征稅以困之則不禁而禁之意亦於虞書之贖刑漢書之輸邊有合也

十九日雨

美國新聞載俄國撒馬兒罕鐵路已造竣裏海以東火車來往便利此地至中國塔什干只五百八十中里亦已興工添造 四月兩廣總督張咨稱小呂宋島華商公稟請設領事所有經費該商等情願籌備等因十一月北洋大臣李咨情節相同并抄到華商稟呈小呂宋苛政十六款華人入境有費驗病有費註冊有費身稅按年六圓女三圓修路醫館買賣貨物牌照出境節節有費匿者重罰華人與土人爭無論曲直罰充苦工土人戕殺華人不過

監禁種種虐政不可勝數九年四月其稟恭親王派員往查實在情形並擬設官章程七條及經費每年四千兩究未辦成

鄭任案

二十日雨

比利時爲歐洲之小國向與荷蘭同壤後分爲二國地少而人多所出之糧不能供食專恃製造通商以爲國用計通國製造之廠有二萬六千六百餘所需川之人約五十萬各廠進項每年有二千一百七十七兆法蘭克合中國銀三萬萬餘兩耕種之人每年每人可得銀一百九十餘兩工作之人則五倍之其他如紡織如屠宰如酒如煤如煤礦如絨如鐵廠如機器廠所入之款甚鉅

二十一日雨

英國裴達直銀行用司事者九百人薪水每人四百兩至一千八百兩不等每年薪水約八十四萬兩行中所存現金銀自六千萬至八千萬不等所出之票約八千萬兩每年進款約八十萬兩國債約三千萬兩每年繳英國國家滙票稅銀約二十八萬兩可謂大矣

## 二十二日晴

英員由印度遊中國者見中國之東三省謂須加意經營否則將爲俄人所據俄人經營西比里亞等處鐵路必通至黑龍江琿春地方鐵路既成則中國無從措手而英之印度亦可危矣印度一區英與法苦戰幾三百年方能據而有之俄得印度則東方商務

必敗而新金山亦危矣

二十三日晴

六月總理衙門咨到奏釐定寶星章程單開頭等第一專贈各國之君頭等第二給各國世子親王宗親國戚等頭等第三給各國世爵大臣總理各部務大臣頭等公使等二等第一給各國二等公使等二等第二給各國三等公使署理公使總稅務司等二等第三給各國頭等參贊武職大員總領事官總教習等三等第一給各國二等參贊領事官正使隨員水師頭等管駕官陸路副將教習等二等第二給各國副領事官水師二等管駕官陸路參將等三等第三給各國繙譯官遊擊都司等四等給各國兵弁等五



等給各國工商人等

二十四日晴

六月總理衙門咨到巴西國條約十七款於光緒七年八月十七日訂定該國志在招工而全約并未言及者蓋爲李傅相所制也嗣巴西相臣錫呢布求賞寶星據情代請當經總理衙門奏明賞給頭等第三寶星  
鄭任案

二十五日 小雨

六月咨復浙江巡撫請購造槍彈機器云准貴部院咨開據軍需善後總局司道詳稱浙省前購各式後膛洋槍現存無多各式槍子爲數有限時時購自外洋不能自行製造甚非長久之策浙省

昔年所購之車床鑽床刨床汽機馬力等項俱尙可用若再添購槍子機器小副及軋銅皮等機器自可自行試造等情據此相應咨請飭員代購新式簡便中針槍子機器一副林明敦馬的尼子模各一副軋銅皮磨輥一副英尺二十餘寸大車床一副并各機器應配輪軸各件及零星各件均祈酌度配辦其新式哈乞克司及呖喀士得槍二者孰爲輕利便捷價值若干并刀頭矛頭槍子各價亦請考覈函復等因到本大臣准此查製造槍子係屬專門機器浙省前購之件想皆製器之器未必可通於製造槍子此時既議添購造子機器則其器之力量大小與須添購某式若干均非可以懸揣而得倘有舛誤恐難適用徒費鉅貲擬請派員攷同

明白工匠先將浙省原有機器逐一查明或令再赴上海製造局將製造槍子各器亦行遍查酌量應添某器若干卽就近在於上海洋行面訂包運庶無短損及參差不合之慮云云 因嘗聞之吳春帆京卿言製彈之銅與他銅迥殊自捲片以至舂殼提不淨者則舂必裂且舂坎之力亦不同錠之於膛如溢一絲則不能入膛縮一絲則氣泄而彈不遠其中精微奧妙非考究有年不知也志之以爲購外洋機器者告 鄭任案

二十六日大雨

美國太平洋將軍米利司招集該處議院紳士會商太平洋灣一帶地方之善策紳士麻勞云宜建造礮臺曾請撥欸一百兆圓以

爲建築鑄礮之需內二千七百萬圓以爲三藩昔士哥即命海防經費

二十七日雨

八月北洋咨稱美國棉花籽種八百磅發交趙州知州楊蔚散給民間布種華洋土性不無異宜咨請將美國種植之法譯寄等因因嘗詢訪種棉之法咸稱王瓜能生之地棉亦能生其土宜燥則北方天時地氣似亦相宜惟人工甚勤尙須時時芸草去蟲若惰農自安則花漸瘦絲亦漸短矣鄭任案

二十八日雨陰

十一月總理衙門咨到內開准貴大臣咨稱滙水折耗情形查美

日各署俸薪除日都使署距倫敦稍近滙寄無甚折耗可不計外  
所有美都金山古巴三處每年約支俸薪七萬餘兩共需滙水銀  
二千餘兩作正開銷將來祕魯開辦亦照此核給等因 因查以  
後鄭任所報較陳任原數約十之一 鄭任案

二十九日兩

是夜美國華千拿省沿海起風漂覆船艦甚多 十一月奏請設  
立紐約領事咨呈總理衙門大意謂美國西邊爲太平洋爲金山  
埠東邊爲大西洋爲紐約埠近紐約華人亦漸多且其地與古巴  
相近華人由華往返必由之徑酌設領事以資保護云云 鄭任案  
三十日晴

接江海關道龔照 電云經費已撥 十二月總理衙門咨爲美國會商頭黃經度事十年八月始開議英國日本專派人員餘多以公使代集美外部衙門派定精通格致人員畢遂請決議一綫界衆國奉爲中經綫美國赴會博士魯他科乃言於衆請以英京格連濱除綫爲首綫法員不從英員爭之一時互相辯論頗爲喧沸美國管理航海事務人員聲言於衆曰茲有請者貴員等若能以格連濱除爲中經綫請卽定之不然勿議可也緣英美兩國刊刻輿圖向以該綫爲首今若更易中綫則前圖盡廢在英則須一兆磅之銀方能補改刻之費在美則須一兆圓之數也實屬萬難遵行遂定 鄭在案 因少時讀爾雅四極嘗疑之其文曰距齊州

以南戴日爲丹穴北戴斗極爲崆峒東至日所出爲大平西至日所入爲大蒙考周天之度赤道溫帶皆戴日也且戴日之南爲冰洋則地尙有在日之南者矣不止於丹穴也黃帝氏訪道於崆峒山則崆峒非極北近年由那威國探得戴斗極者爲北冰海其地實未見山焉測天者經綫有盡處而緯綫無盡處經綫盡於南北極如輪之軸有兩端以一端爲南一端爲北是也緯綫如輪之匡循之無端如中國所謂大東洋美國以爲大西洋也美國所謂大東洋歐洲以爲大西洋也中國赴美由大東洋指東可到由地中海指西亦可至也中國之午刻卽美國之子刻中與美互爲晝夜則中國之日出卽美國之日入合地球而論之無處非日出日入

之地日出之地卽日入之地日入之地卽日出之地蓋以地球每日旋轉一周其初向日之地卽爲日出其初背日之地卽爲日入日本不動安有所謂出入者哉頭黃經度美願以英爲中綫而法爭之亦以經綫有南北而無東西隨處皆可以爲中綫故可以爭美之格致家但能以刊圖經費藉口而終不能以是非爭者此也  
十一月初一日晴

光緒九年四月請設紐約領事一摺奉

旨依議當卽開辦 因查紐約華民約五千人工黨亦惡之而官紳尙有權故尙無驅逐焚殺之禍 鄭任案

初二日晴



六月總理衙門寄到一案內載光緒四年五月初六日閩浙總督何文稱美國佛叻士別喇帆船在恒春縣紅頭嶼地方觸礁擱淺經琛航輪船并地方文武盡力保護旋報帆船自焚據臺灣道夏獻綸稟報前來於本年三月初六日咨呈貴衙門咨照在案嗣據夏道稟稱二月初二日夜諸挨士目視該帆船被焚殆盡乘另僱之安灣小船鼓櫂盡去茲赴香港領事魯陵處呈控魯領事據諾挨士一面之詞判斷華民焚搶屬實由恒領事函知夏道訂期赴臺會查等語當經飭令夏道將帆船起火情形詳查迅復會商妥辦具報旋據夏道稟稱恒領事於三月初八日抵臺該道卽往與會晤詢知前此駐泊帆船旁邊之美國兵船船名噠噠當提集琛

船管駕林高輝等及英國領事費德里等到案會同逐細研問據李辭等僉稱二月初二日諾挨士偕兵船官尋覓礁跡是夜十一點鐘帆船火起該兵船放礮懸燈示將往救帆船上洋人不挂回號至初三日天明六點鐘諾挨士由噠隨兵船回入安灣小船卽催喝何以尙不開船不問帆船如何被焚旋即開行等語美國兵船各兵官皆目視其事船主諾挨士稟云該船於西曆三月初五夜在龜仔角被土人放火燒燬該船并船內貨物價值若干現欲向中國索賠等語嗣英領事不以爲然美兵船亦駁之遂結鄭任案

初三日雨

近有美國人殷尼奴文自越南歸述越南近事云法得越南後設總督以治民派將軍以守境文武不能和衷武員專事殺戮越南苦之商稅又重商人裹足華人出港入港均收人稅時有英商小輪船名鳧利鴉在英只收船鈔二十元日本長崎收七十元橫濱收五十元香港收四元出入海防則須三百零二元二角可謂重矣

初四日雨

七月北洋大臣咨內開李攀桂撤回學生撥入水師學堂肄業乃因父病潛赴美國迅速勒令回津等因 因查李攀桂已與梁姓在紐約開設店鋪名爲梁李公司 鄭任案

初五日 雨晚大霧

九月美外部照會云此會名曰賽天下技藝及棉花百年大會乃美國朝廷及種棉會館並紐鴉連城官民協力辦理美國棉花初次運赴外國通商之事迄今已及百年故專賽各種棉花棉貨兼賽各國技藝製造土產礦產等件以見百年之間諸務振興教化日進本國總統深願

貴國朝廷屆期派員赴會云云 因查美國之於棉花如此其重宜其棉花通行地球獲利無算也 鄭任案

初六日 侵晨見日又陰

九月夏威夷國送到普魯書譯其畧曰我國朝廷聞某國君主偕

某屬地有謀吞波利彌施亞羣島中之數島暨亞記祕理高島之事我國見得此舉是以特作此書力拒其謀敬告於各大國願各大國同認波利彌施亞各島皆有不能讓人之利皆得自享求進之益皆可操其自治之權並請保護各島得與敵國共享此等平康之機會俾同附於萬國之中也

鄭任案

因按此藉各國之牽制以圖存亦無可奈何之策也然而歐洲諸小國之不亡者多由是矣

初七日晴

英屬卡挈大地方官已奉英廷之諭飭將哥林卑亞全境所立徵收華民之稅例脩改俾薄稅歛減取人稅以免妨礙中英和好云

云 十一月出使德國大臣咨爲和國街奇會官貨酌留使館照  
原價歸欸云云當經酌留棹椅屏彩各件 因查其時銀價每規  
銀三兩九錢可得英金磅一較之今日大懸殊矣 鄭任案

初八日雨

十一月片奏開辦祕魯使事十年閏五月奏啟行前赴祕魯六月  
二十九日到祕魯都城查得祕魯田寮虐待華人督工者鞭撻晚  
則鎖腳置於黑監工期已滿仍復措留擅造合同強擄入寮工作  
日夜不息私刑拷打合同已滿又復轉批數年祕智之戰殺戮尤  
多到祕後與祕外部仗義執言一一請除當已次第辦妥矣 鄭任案  
初九日晴

俄皇至土耳其國見其君主開宴盡歡土君因請俄皇保全和局  
前此智祕之戰祕都爲智兵攻破華民被殺者一千餘人近鄭  
大臣託美國駐祕公使勞觀代請賠卹勞觀往謁智國外部大臣  
坐談良久外部曰邇者智國帑藏日竭外耗日多不得不極力防  
維以保國家利益近來各國咸向討償幾成援例之事竟有無數  
祕民不能度日者設局假冒破失財產藉端求償以爲餬口計及  
請公正人細查其中妄報不實之欸不下數百起戶部因爲所困  
至於華民一節其中習業體面者固甚稀少此乃公衆所共知無  
論性命財產遭沒於智人之手爲數亦屬有限況智人於華民財  
命兩端均曾竭力保護此又不辨自明者也無所賠償鄭任案

初十日晴

美國開議院謁上議院首紳 德皇與后坐兵輪偕至義大利國

又至土耳其國 查美國議院章程上議院紳共八十八人下議

院紳共三百三十二人上議院紳六年一任下議院紳兩年一

准舉多上議院紳每年俸五千元下議院紳每年俸五千元上議

院長即副總統每年俸八千元下議院長每年俸八千元 美國

共四十四省茲將各省之名與各省舉下議紳若干人并各省總

督年俸列左 阿把巴麻省准舉下議紳八人總督每年俸三千

元兩年一任阿甘色省准舉下議紳五人總督每年俸三千五百元

一任加利寬尼亞省准舉下議紳六人總督每年俸六千元四年一任科



羅拉都省准舉下議紳一人總督每年俸五千元一兩年干捏底吉

省准舉下議紳四人總督每年俸四千元一兩年特爾拉華省准舉

下議紳一人總督每年俸二千元一四年佛勒爾勒釐省准舉下議

紳二人總督每年俸三千五百元一四年若耳治省准舉下議紳十

人總督每年俸三千元一兩年埃大曷省准舉下議紳一人總督年

俸任期未詳奕倫諾爾省准舉下議紳二十人總督每年俸六千

元一四年英釐安納省准舉下議紳十三人總督每年俸五千元一四年

一埃阿瓦省准舉下議紳十一人總督每年俸三千元一兩年甘沙

司省准舉下議紳七人總督每年俸三千元一兩年干德紀省准舉

下議紳十一人總督每年俸五千元一四年魯西安約省准舉下議

紳六人總督每年俸四千元一任緬省准舉下議紳四人總督每

年俸二千元一任馬理蘭省准舉下議紳六人總督每年俸四千

五百元一任麻沙朱色士省准舉下議紳十二人總督每年俸五

千元一任米氏根省准舉下議紳十一人總督每年俸一千元一任

一閩尼所達省准舉下議紳五人總督每年俸五千元一任密士

失必省准舉下議紳七人總督每年俸四千元一任密蘇爾釐省

准舉下議紳十四人總督每年俸五千元一任曼他拏省准舉下

議紳一人總督年俸任期未詳臬布拉司加省准舉下議紳三人

總督年俸二千五百元一任臬華大省准舉下議紳一人總督每

年俸五千元一任紐罕什爾省准舉下議紳二人總督每年俸二

千元

一兩年一任

紐折爾西省准舉下議紳七人總督每年俸五千元

三年

一任

紐約省准舉下議紳三十四人總督每年俸一萬元

一三年一任

北喀

爾勒那省准舉下議紳九人總督每年俸三千元

一四年一任

北打科大

省准舉下議紳一人總督年俸任期未詳倭海阿省准舉下議紳

二十一人總督每年俸八千元

一兩年一任

阿理干省准舉下議紳一人

總督每年俸一千五百元

一四年一任

賓夕爾勤尼安省准舉下議紳二

十八人總督每年俸一萬元

一四年一任

洛哀倫省准舉下議紳二人總

督每年俸一千元

一一年一任

南喀爾勒那省准舉下議紳七人總督每

年俸三千五百元

一兩年一任

南打科大省准舉下議紳二人總督年俸

任期未詳田納西省准舉下議紳十人總督每年俸四千元

一兩年一任

德克沙司省准舉下議紳十一人總督每年俸四千元一兩年一任津浦

的省准舉下議紳二人總督每年俸一千五百元一兩年一任勿爾吉尼

阿省准舉下議紳十人總督每年俸五千元一兩年一任華盛頓省准舉

下議紳一人總督年俸任期未詳西勿爾吉尼阿省准舉下議紳

四人總督每年俸二千七百元一四年一任爲士干順省准舉下議紳九

人總督每年俸五千元一兩年一任歪阿明省准舉下議紳一人總督年

俸任期未詳各省共舉下議紳三百三十二人按省中居民計每

十五萬一千九百十二人則舉下議紳一人惟省不及此額者亦

舉下議紳一人

總統每年俸五萬元 各部大臣每年俸八千元

十一日 晴戌刻見雨點

科司達來見 謁議院紳據云華盛頓華人近日開洋煙館者日熾實爲地方之害理宜嚴禁但本省律政未有載禁洋煙一節雖知其弊而無法可絕之昨晚巡捕房訪得三街華人祥利洗衣店外以正業鋪張內則開煙燈取利巡捕前往擒獲店主祥利並美國人吸煙者三人隨即監禁

十二日陰

謁議院紳 美國西省提督報於兵部曰西省爲孔道藏國庫三千萬極應固守惟照目前而計槍礮不敷倘一小國來侵我邊疆劫我國庫將何以禦之乎應請飭令酌築礮局以鑄鋼礮五百七

十三尊買地建立礮臺以守要扼一切整頓以壯國威須費國帑  
三千萬圓方妥

十三日晴

謁議院紳議院中如布郎有司梯司宣門等不來奔好德均不惡  
華人者 十二月美外部來函言東京輪船抵埠又搜出三千餘封奧  
衣箱內搜出書信七八千封北京輪船抵埠又搜出三千餘封奧  
順匿輪船抵埠又搜出八千餘封查照天下郵政章程應行議罰  
云云鄭大臣復云中國未設郵政局書信均係託人代寄不知泰  
西章程以後應將來函所言刊於中國日報以後照此辦理可也  
因按中國未與地球郵政之會故書信無圖印不能行於各邦

於外國郵遞不便也 鄭任案

十四日晴

俄皇素欲并吞土耳其茲聞土與德皇結好更滋不悅於是密令駐土俄使風示土君言俄皇將來土國相見土君知機欣然應諾遂訂期來春 航海委員畢士祕爲其妻所控於美官 十二月總理衙門來函屬查美西斯比河治法美西斯比河長約二千英里原係清水迨滙美蘇黎河後水始混濁向來時淤時決迄無修治善策近四年間有益參將者創爲收束河身之法該河向寬約一英里卽就河之兩岸修築堅隄束水不使旁溢遇有河形寬散之處僅留中泓寬廣亦約以一英里爲率其餘攔以木椿使河水

咸歸中泓而所挾浮泥聽其分注於兩旁寬散之處久之亦自成隄河身既不散漫河面又復一律寬廣水勢得以直瀉無忽猛忽緩之患自能刷去河底淤泥數月前往驗河身水深皆視往年加倍現所經營者係河下游之一千二百英里上游無須修治至入海口門向分三處悉爲攔江沙所阻水深僅一丈一二尺或不及丈今亦仿收束河身之法將中間一處口門築成隄岸直出海面長十英里借水力以決開攔江之沙目下水深已逾三丈統計試行新法以來及此後接續辦理至少需費三千萬圓等語就其所言目下似已著有成效惟據稱該河挾泥有限且是泥非沙其性膠黏乾後卽極堅實又係以美西斯比全河之清水洗刷美蘇黎



河灌入之浮泥似與中國黃河情形不甚相同卽其辦法專主收束河身亦與疏治黃河有異

鄭任案

十五日晴

美國前總統格闌脫之兩公子及米建威來見談次知格總統之長子曾隨格總統遊歷中華現已出使奧國矣 光緒十年二月離金山六百餘里之鉢崙埠商人請設領事遂派隨員黃錫銓往查據查該埠工商約三萬餘人商貨以米油食物洋煙衣服爲大宗工人以開礦築鐵路裝魚罐爲事工商分爲十餘黨爭訟鬪毆無時休息如設領事除商捐外尙需經費約六千金鄭大臣照咨總理衙門未成

鄭任案

十六日雨

答拜奢士格蘭脫兄弟并米建威 二月外部照會云茲准戶部所定外國駐紮本京公使請免稅事章程嗣後凡有駐美公使什物請免進口稅者須請於公文內附該物提貨單一紙并請指明該物是否係公使自用抑共家眷應用之物再使署參贊除代理公使外不能有免稅之益 因按泰西各國於理財一道剖析毫釐毫無假借非如中國之疎節闊目也卽此可見一斑 鄭任案

十七日晴微雨天氣驟暖不能着棉

日本外部大臣因改新政爲刺客炸彈所中已傷左足 三月照美外部李中堂代美國水師千總滿宜士請假三年聲明該千總

現在中國水師助辦教習水雷事件美國朝廷業經允准給假矣  
今李中堂來電云請再給滿宜士千總假一年外部復函云查滿  
宜士千總前曾准其請假今彼尙在貴國可再給假至西曆一千  
八百八十五年四月一號止鄭任案

十八日陰

卸任金山總領事梁廷贊來 是晚亥刻赴英公使茶會子正而  
回 三月金山總領事稟稱查北亞墨利加洲之英屬卡拿大內  
有哥林比亞省之域多利府華民寓居於是者鋪戶約計百數十  
家其餘築輪路開金礦製魚罐各所傭工合計有一萬六七千人  
稟稱該處新設苛例請爲駁除計按人收稅十圓開礦者歲收十

五圓遷棺者罰一百圓吸鴉片者罰一百圓新入境者稅五十圓  
當卽函託曾侯向外部駁除曾侯覆函言查向來中外條約於華  
人流寓外國者既未之及卽南京舊約第一條亦無最優相待字  
樣今若遽動公牘與英外部辨論則我無實在可恃之約惟有緩  
商云云既而事終不成鄭任案

十九日晴

四月墨西哥公使來文欲向中國招工鄭大臣婉拒之而仍咨呈  
總理衙門備案且言墨西哥係無約之國未與立約將來保護無  
權云云 因按無約而招工祕魯古巴卽前鑒也 鄭任案

二十日晴

下議員金山省議紳馬盧新創條陳請查華人在美之數每人給與執照一紙以後有執照者准其安居無者監禁驅逐其水脚由帶來之輪船公司是問出境後有執照者亦不准復來云當與律司商駁之 四月直隸津海關道咨到山西撫部院啟云蓋聞經國以自強爲本自強以儲才爲先方今萬國盟聘事變日多洋務最爲當務之急海疆諸省設局講求並著成效查中外交涉事宜以商務爲體以兵戰爲用以條約爲章程以周知各國物產商情疆域政令學術兵械公法律例爲根柢以通曉各國語言文字爲入門云云 因讀之言簡意賅於泰西學術源流如桶底脫矣 鄭任案

二十一日晴

宴奢士格蘭脫兄弟並米建威外洋請客分上中下三等席每人十圓八圓六圓爲差酒則自一圓一瓶以至五圓每人酒二三瓶尙不足也尋常之水亦不用以爲不潔必用氣水氣水每瓶亦需二錢五分又設花一二瓶花每一枝需銀五錢但十餘枝卽六七金矣又每人亦佩花二枝均由主人代備所設花二瓶醺畢卽以送首席之客之妻泥沙金銀至斯而極

二十二日陰

七月美國議成限制華人新例十七款上之總統事已垂成律師利亞頓博郎勒德上書總統言新例之不公紐約人未罇亦上書

總統極言埃利士人之妒忌官紳之阿埃利士人以冀保舉所言皆出於私必不可聽總統阿他遂飭議院再議議院因刪其尤苛者此美國苛禁華人之一端也鄭任案

二十三日晴

七月北洋廣東電屬購美國氣礮始終未成錄使館代辦上鄭使

書在時邸使辦理此事之不順手有出人意外者礮價本係公司開

出並未議減分文續擬五十尊始售亦經傅相核准照數向買限四箇月成造亦係公司自訂包運到華亦係公司自承理應毫無異言乃屢譏試演八寸徑礮屢請展期始言法人在此探聽不便在此演試推之繼言銅礮尙未做到推之昨忽言礮中緊要機器

做壞又需更換推之

彼實因創造未妥初以爲照四寸徑仿造孰料不能

現約十一月初四

五日可試屆時尙不知可試否一也氣機本在價內忽言汽爐在

外另需加價二也

此層已稟明另議將來擬只買四箇

方奉多購之電前一日已接

蕤甫送到公司來函云將來如再多買則六寸徑者需二萬五千

圓八寸者需三萬圓恰似知我必多購者非真知之也實因彼六

寸八寸兩式受藥多蓄氣大不獨工料宜精卽製法亦非四寸可

比聞幾次製造未成費去工本不少欲藉此別開生面以圖補價

故預昂其價以居奇三也

公司本欲加價經蕤甫飭駁故只言再買卽加

幸植密屬蕤甫

將多購一層暫不宣露擬俟此起訂妥後再與商買以免益彼貪

心初議四寸徑者裝藥二十五磅及中里六七里六寸者裝藥七



十五磅及八九里八寸者裝藥一百二十五磅及十里外茲忽改

言四寸者裝藥十七磅及一洋里

中三三

六寸者裝藥六十五磅及

二洋里八寸者裝藥一百磅及二洋里又四分洋里之一

大約六寸者及

六里八寸者及七里中里之譜一切與原議不符四也然此層需親往試驗不必

徒以口爭初議公司包運到華茲忽言如中途被搶只能代問保

險賠償又與原議不符五也

此層最關緊要將來必須妥議不然即恐受過

四寸礮時本有礮架其價自必在礮價之內茲又忽云八寸者礮

架另銀七千五百圓六寸五千五百圓四寸四千五百圓誠足駭

人聽聞六也初議四箇月到華茲忽改爲限四箇月到金山七也

果能四箇月到金山向是快便以上七層均係節節生枝時時變改此事之不順

手誠難意度楨微窺其意不但乘我急需故爲居奇且恐實因八寸徑創造不成故設此以阻難耳楨惟拿定一試看主意催其演試俟試驗真屬可靠再與議不符各節彼若不允卽電山傅相作主處處踏實做去不求有功只求無過云云 因錄出以見購置軍火之難而當自設廠也

二十四日晴

拜發奏派分駐三國人員摺 八月總理衙門覆奏道員徐承祖條陳曰今日使事任久責專廣設僚屬優其祿餼非徒通問修好已也各該使臣受事三年之中宜如何周諮博訪於其國勢之盛衰地形之廣狹風俗之變遷政教之利病兵民市舶之多寡食貨

物產之盈虛以及工藝日新商情月異各市埔有我國商民之區或歸我領事官約束或仍聽彼地方官約束應如何使之生聚綏輯俾無失所均當逐事講求悉心考訂條舉件列薈萃成編俾運籌者相其情勢以爲操縱張弛之機光緒三年臣衙門奏准請飭下東西洋出使大臣務將大小事件逐日詳細登記按月彙成一冊咨送臣衙門備案查核其外洋書籍新聞紙等件內有關係交涉事宜者亦一并繙譯隨時咨送以資考証 鄭任案  
二十五日晴

九月總理衙門咨到劉銘 奏請設局譯刻泰西各書其略云查外洋於中國有用諸書半皆取而譯行海外其西國兵農食貨格

致製造測量諸書日新月異凡有關於今日之川者甚多我中國  
尙未譯有成書間或有翻刻一二種亦皆取擇不精夫禦侮貴在  
得情而致用尤在博覽不究其治國交鄰之要政何以得其情不  
研其造器習術之本源何以致於用 鄭任案

二十六日 小雨

聞南墨洲巴西國民作亂 十月金山總領事來稟云美國政體  
風俗事事非錢不行每辦一事必須籌費所需之費又鉅既非公  
帑之所得支又非私家之所能給因查領事之設昉自泰西泰西  
領事驗貨有費查船有費填牌有費一切文憑准照莫不有費所  
籌者並非領事費用不過以公衆之財辦公衆之事不過合衆人

之力官爲之督率而維持之云云 因查美國之例頭頭是道非  
律師不知趨避延請律師有按年萬金者金山所延律師名尊治  
力歲六千圓又利亞頓歲二千四百圓本使館所延律師名科司  
達歲四千圓科司達所辦者尙有墨西哥泥格拉諸國則亦過萬  
金矣 鄭任案

二十七日小雨

美國外部接駐中國領事來信言中國長江一帶兩月以來多雨  
淹壞膏腴之田一千五百萬畝 十二月墨西哥求與中國立約  
招工鄭使上總理衙門書云與其於既受陵虐之後始行設官挽  
救害大而事難不若乘其未往之先妥訂章程設法經理事易而

害小云云嗣因墨公使述其國家之意欲於其本國商議鄭使以爲不宜卻之鄭任案

二十八日晴

十二月與代辦蔡函商議辭退洋員柏立以爲宜彼此和平計議以全初終爲合體給以考語字據俾其爲轉示於人之用若以洋例須先三箇月告知則與妥商辦法或再留一年云 因查僱用洋員每受其挾制祕之德里安尤爲荒唐 因至此已久柏立尙未來見聞諸參贊蓋久未到署矣鄭任案

二十九日晴冬至

是日黎明拜

牌行三跪九叩禮惟供事程映未到上午備席午後設齋 泰西  
以游歷地球爲能紐約省有婦人於前月起程限七十五日歷地  
球一周 十二月參贊官蔡國楨稟覆兩廣總督張云奉電諭委  
購黎意槍五千枝彈子五百萬顆隨帶各件俱全限兩箇月運到  
廣東黃浦交收等因奉此查此事先經本使憲鄭飭令紐約領事  
官歐陽明查探黎意槍彈價值開明數目電復北洋李傅相察核  
在案惟當時未將程期運費查確具報嗣據歐陽領事函稱續查  
得黎意槍一枝彈子一千共價實價美銀三十二圓山美繞英赴  
華計槍一彈千共運費二圓並云近聞上海瑞生洋行代本國經  
辦此項槍彈甚多其中浮開不少該廠管事人稱中國官與本公

司親自交易兩邊均係真正主人並無釐頭行川本公司自當格外公道計槍一枝該美銀十五圓彈子一千該美銀十五圓五角每槍彈盒四箇其餘各件俱全所有裝箱上船均本公司自認費用船價有高低兩起悉照從前別人承運一律給價保險亦照向章均由本公司出名代辦由美繞英赴華兩月必到亦係從前運過程期保險包至廣東省城能保阻攔搶劫等事其槍彈價值運脚保費均在此交清以便代為辦理參贊因與歐陽領事通盤合籌其槍彈價值與瑞生洋行承辦者減少不可計數諒在明鑒之中計購黎意槍五千枝  
每一枝價銀一十五圓五角較外 共銀七萬七千五百圓購槍彈五百萬顆  
每千顆價銀壹十六圓較原訂



共銀八萬圓兩起輪船運費由美國紐約總英倫共銀七千六

百一圓三角七分兩起保險費另註明包保單據附共銀貳千五百

六十四圓在紐約零用電備保單換寫提單及共銀八十九圓二

角三分以上共支銀一十六萬七千七百五十四圓六角查此五

款係由紐約領事支付據造細數清摺另錄附呈電報粵垣十五

次自上年十二月初七日奉委購槍以後始行開報共銀一千六百五十三圓五角三分

山華盛頓赴紐約兩次往返火車馬車及上下馬車等以上共支

銀一千七百圓五角三分查此兩款稟明在槍價餘款內動支另

有細數清摺附呈通共開除七款合計支去美銀一十六萬九千

四百五十五圓一角三分鄭任案

十二月初一日晴

近聞巴西已改爲合衆國 美國下議院紳馬羅又上條陳除中國公使外其餘無論工商一概不准來美 因商之律司科士達科士達謂議院上苛禁華人例者大抵西省之人他省尙不附和且聞尙有相繼而上條陳者應俟開年一并上堂駁之  
初二日晴

此間列肆均以女子坐肆貿易大約自十六歲至二十歲未適人者貌亦端雅言甚和婉索值不二價 謁律師科司達 駐津美國副領事祕德格稟於外部據稱現奉李中堂命以陸軍水師現設立西醫藥房倣外洋式擬請外部轉咨兵部海軍部將美國陸

軍水師施藥治傷救生章程並歷年官報寄與中堂察核按照辦行云云外部准此遵卽咨照兵部水師部檢備檔案以便轉復中國矣

初三日晴中夜雨

英屬卡拿大維多利地方官擬將限禁華人入境之例刪除而土人不願現已聯名稟請限禁並已納身稅之華人去而再來者仍納身稅五十圓 十一年二月總理衙門咨到議復御史謝祖源摺內開出使隨員或有沾染外洋習氣者可由該使臣隨時督察分別撤參又云古時造土器數之學與理義并重故通經致用官効其能近世士大夫非無才識閎通學問淵博之人而限於方域

囿於見聞語及環球各國交際之通例富強之本計或鄙夷而不屑道夫外洋測算竊自中法製器相材源於考工營陣束伍乃古者司徒步伐進退之遺開採五金寶仿於周禮廿人之官測繪地輿亦晉人裴秀成法禮失求野豈彼智而我愚特中士習爲游談其平日留心講習者少耳就目前而論我之所亟惟在察敵情通洋律諳製造測繪之要習水師陸戰之法講求稅務界務茶桑牧礦諸事宜鄭任案

初四日晴

三月美國飄節海口稅官來信以該處有華人二萬五千名欲設領事并薦舉廷廣可爲領事鄭大臣復書辭之因查設一領事

每年需經費銀一萬數千兩不節則需二萬飄節不過華人入美之境設之無益且近來美國於此地查華人私越入境其例漸嚴當時之不允蓋有先見矣 鄭任案

初五日晴

美國救生局船費每年九百餘萬圓計今年一年共救貨六千餘萬圓救人七千九百餘名

初六日晴

醺英俄日祕檀香山墨西哥等公使又醺美律師按察司畢士祕每席中間設花一籃每人佩花一朶外洋醺客例也 五月接准李傅相電開總署十一日來電嗣後非軍務及急要事各處均不

准率行發電遵

旨電達希轉電沿海各督撫及出使大臣等因 因查外洋電費最鉅以中國一字四碼分作二字每字需銀二圓四角有餘合之爲四圓八九角但二十字卽百金矣 鄭任案

初七日晴

六月北洋來電爲朝鮮聘請美國兵官教練兵士請於美總統總統交議院而議院已散事迄未成觀此可知美國議院權重 鄭任案

初八日陰

外國將度年送律司甯綱一疋湖綱一疋東洋大甕瓶一對各部

及議紳擇其相投者皆送禮有差 六月准北洋電中倭兵撤朝鮮聘美官教練兵士望晤外部速商如無卽回覆 覆北洋外部云須俟冬間開院公議嗣請先派而彼不能違例鄭任案

初九日晴

供事程映啓行 航海會委員畢士壁陳恩燾賈凝禧請醺以洋餐故未到借龍旗三面 六月致美國外部節略茲因巴拿馬及箇龍兩處素無華官駐紮向來華商寓彼者屢蒙美國駐彼領事官遇事代爲料理中國官員及該處華商均極感謝邇者中國公使以該華商等稟請轉求美國外部給該兩處領事官以代保華商之權是以敬問外部大臣可否准如所請美國外部覆函業飭

駐紮巴拿馬及箇龍領事等凡該華民遇有要事山該領事官等暫代料理仍須俟哥林祕國官員允由該領事等代理華民之事斯時即可暫充中國之代理人鄭任案

初十日晴

七月初六日總理衙門咨到中法條約十款於光緒十一年四月二十九日經北洋大臣李鴻章具奏奉

旨 因查此約專爲越南之事 鄭任案

十一日 小雨

外國元旦已刻出門西正事畢謁總統各部提督將軍按察上下議院也是日之車每一時需銀七圓 七月古巴領事稟稱西班牙



牙輪船到埠船有中國人十名相向哭問其情由據稱皆閩人向在小呂宋謀生此次被人騙稱僱工到此方知立約做工與賣身同卽由譯員向該公司提到領署問明屬實卽將楊協等十人所得工期銀五十圓及船價十圓墊還船主留於古巴作工陸續扣還結案 因按此卽洋人以招工爲拐賣幸古巴已設官否則此風終不息矣 鄭任案

十二日雨

謁上議院紳 八月出使英法大臣曾咨到內錄奏稿議定洋藥每箱稅釐共徵銀一百一十兩併在進口時輸納山海關給與憑單運往內地無須再完稅項至貨包開折之時如有應納稅捐等

項當與土煙價值相較均算以昭平允 因查此卽李傅相與英使威妥瑪所訂之約由英外部簽定者也泰西各國凡於有害民生之物皆禁入口度其不能禁絕則重稅之中美條約載明兩國不准販運鴉片而由香港入金山者其數甚鉅美國既不能禁乃創稅則每鴉片一磅合中國十二兩征稅銀十二圓所收至巨中國加稅於此用意甚善但較之美國尙不及百之一則勢限之也 鄭任案  
十三日晴

謁上議院紳檀香山公使至李格士銀行 爲照會事光緒十一年八月十四日接到貴道七月初八日覆函內開商局支絀經傅相將各省官本奏請免利緩期等因准此查貴總局庫平銀八萬

兩整核之原領銀數業已還清至利息一項并未收到絲毫現閱函稱各省官本已經北洋大臣李奏請免利在案查貴總局原領前項經費銀兩係屬暫時領用與借領各省官項作充商本者雖有分別而其爲公欸則同自應循照奏案辦理計貴總局欠繳前項利息自光緒七年八年初一領銀之日起至十一年七月初二還清本銀之日止所有應生利息概行照免無庸追繳可也除咨北洋大臣李督照備案外爲此照會貴總局煩爲察照施行須至照會者右照會督辦輪船招商總局直隸補用道盛卽選道馬 鄭

任案

十四日晴

日內謁上下議院各紳多設茶會見時握手道喜周旋一二刻卽別亦有堅留食茶果者 嘗與議紳考較地球鐵路自以美國爲最長計十六萬餘英里德國二萬三千餘英里法國二萬一千餘英里俄國一萬九千餘英里印度一萬四千餘英里日本八百英里

### 十五日晴

有泰受熱中夜發熱臥處近火門爲火氣所灼至於吐血 謁英俄法德朝鮮日本檀香山西班牙祕魯公使 日本公使言日本鐵路已成三千餘里尙有商人續造者大約一里需銀七千兩上下每年載客八百餘萬人運貨六十餘萬噸除經費外每年可得

四釐之息 因謹按日本近年鐵路不過八百英里約二千餘里耳而言三千餘里其好自張大虛憍之氣畢露矣

十六日晴

天氣燥熱可着單衣

十月總理衙門咨稱本衙門具奏採買外洋軍火滋弊居奇抬價剝蝕愈多且有以賤價收陳貨而詭爲新製者有賤價購自外洋而浮冒報銷者請飭各出使大臣就參贊隨員內講求搜討所有訂定各件必須出使大臣親驗以專責成等因 因查前此購買船礮其弊誠然且有緩不濟急者如此辦法近日諸弊已廓清矣

鄭任案

十七日雨

美國例正總統爲第一人副總統卽上議院之首領如議院議政以多少爲從違卽三人占從二人之意其有可與不可人數相等者則由副總統酌定蓋副總統可何造則何造多一人矣 十月總理衙門咨內開歷次出洋學生造詣究竟如何有無深通西藝熟諳製造管駕及水師操練之材等因參贊蔡國楨覆稱童子無知受外洋氣習越日既久玩視中學若忘其爲華人不獨中文未能講求卽華語亦不明順縱於洋文有得於我不能適用初不過增一洋人耳授以差遣不受範圍或且謂敦品勵行爲繁文甚有視政教彝倫爲苛刻云云可謂切中時弊 鄭任案

十八日小雨止中夜大風

十二月向美國外部索還以前賠款所餘至三月而始商定計原給美國賠款銀七十三萬五千餘圓除賠美商銀四十九萬六千餘圓仍存銀二十三萬九千餘圓生息銀三十四萬四千餘圓本息共銀五十八萬三千餘圓除給賠美商熙爾船價十三萬圓計實還中國銀四十五萬三千四百圓九毫又除去酬勞費五千四百圓 因查此項卽分撥東西洋各署經費 鄭任案

十九日晴

副總統茶會陳設極豐至者亦衆以副總統爲美國大富戶也十二月海關造冊處稅務司杜德維來函言光緒六年中美新修之約刊本抄本文字之間或有稍誤與原本不免參差茲摘舉數

端請由公使照會美外部衙門取所存原本詳細校對務使毫髮無訛其不符之處請於刊本上逐款註明當卽照會美外部照辦矣 因按繙譯一道非中外文理兼優殊難稱職蓋未易言矣聞美國與朝鮮之約朝鮮自稱爲中國屬國而美國所稱似有參差則眞有不符者也 鄭任案

### 二十日晴

前總統格蘭脫之夫人約見於麥連夫人之第年六十餘矣身不甚魁梧而尙豐滿循循然是有德器之象眼戴鏡或近視也詢李傅相近日起居並問傅相夫人及女公子近狀答以均安又作寒暄而退堂前賓客男女皆來見者約數百人



二十一日晴

此十日內按日分謁各部及議院紳有見者有不見者亦有設茶點以款客者大約見則立談不見則一概不見門外挂一筐以收謁者名刺 十二年三月新出使大臣張到金山當登岸時駐金山領事等員前往迎接美國巡海官名天年曰余頃接收稅關電信命我不許新使等登岸必先將其

國書送稅關驗看乃可傳烈祕稟商張大臣不允久之天年曰余願肩干係請公使等登岸可也嗣由鄭大臣詰問外部拜亞拜亞照覆引一千八百八十四年七月五號章程載中國官員可用文憑以抵護照云云又謂稅關未失禮總領事所稟情節謬妄誠以

爲憾閱之可駭美其不國矣夫 鄭任案

二十二日晴

謁議院紳至暮而返

二十三日 陰大風

謁議院紳 十一年九月北洋爲咨行事據津海關周道詳稱竊查美國肄業學生會奏定章程此項官生不准在外洋入籍逗留及私自先回遽謀別業等因在案茲准各局咨稱前派當差學生梁敦彥等十七名皆久假不歸咨請飭催來津當差等因前來職道查該學生等託詞請假或逾限不回或別謀事業殊與定章不符自應查明分咨廣東督撫院出使美國張大臣並行蘇松太道

甯紹台道分別嚴飭迅速來津聽候分派當差勿任抗玩致干拏辦張任案

二十四日晴天氣轉寒

接金山信 副總統訂是日至其宅同見總統酉刻往亥刻回

查美國焚殺驅逐華人於光緒十一年七月起至十二年二月止共十案計阿路美煤礦一案烏盧公司槐花園一案洛士丙冷一案姑力煤礦一案澳路非奴金坑一案的欽巴一案舍路埠一案阿拉士架一案麥天拿一案鉢倫埠一案張任案

二十五日晴

赴律司道喜謁議院紳 十二年四月咨呈總理衙門文查日國

現係日后攝政該國通稱攝政大君后所奉

國書仍稱大君主與彼國現在稱謂不符自應更換以便呈遞理  
合咨請核奏更換頒發祇領尋於七月更換

張任案

二十六日 晴天寒水

英國將軍曰廢者本年由印度陸路遊中國而歸言中國今日所  
最要者乃在黑龍江等處趕造鐵路勿讓俄國先成以爲慎固封  
守之計又曰英國宜交結中國訂同恤相惡之約又云中國龍州  
製造局徒有虛名凡事能言不能成殊可惜也

二十七日 晴天寒水

上議院紳密組月初遞條陳兩件一華工不論是否來美或往他

國均不准入境假道違者重懲一爲中國辨論華工來往案件均令外部交出與上議院查核 一千八百八十六年

即中歷光緒十一年

四

月五號紐約城諸教會會長集衆譏擾害華人之事聯名遞呈上下議院前駐北京公使西華前格蘭脫總統在任時之外部大臣斐士並上議院議員和露等均與共言曰查華人來美應得利益與各國同憶金山初開埠時華人來者爲數無多迨加里科尼屬邦收入合衆國省分圖版時金埠居民欣然大喜合境慶賀賽會盈街華人旅于是埠者當時具旗幟儀仗致賀亦獲邀請同慶共遊及後華人源源而來實因我美國到華堅約以資建造鐵路之用藉華工之力尅日成功若以別國人爲之勢必紆緩數年虛耗

資本且加省溼下之地俱藉華工填築洋工向不敢爲者乃竟藉資華工而成加省受益多矣竊以中華弛海禁而與外國通商原非出于本意實由泰西各國強令通商而美國亦與其例查得仇待華人並限制華工各事其端實肇于金埠之埃利士工黨加省人員謀缺者以投籌數之多寡爲定埃利士工人既入美籍有投籌之權利其人甚衆得失之機繫乎其間故舉國南北黨均以得加厘科尼了厘斤兩處之籌爲急務蓋得之則勝失之則敗所以味良議立限制華工之例無非阿附工黨以望其投籌耳

鄭在案

二十八日晴

十二年九月爲咨呈事據招商局盛道稟稱織機局中輟現查運

到機張尙未及半據洋匠丹科稱訂定合同必須照數購運前來  
萬難中止但核價太昂爲數甚鉅鄭陶齋等皆云訂立合同主局  
者并未簽字且合同訂逾三載局務停止亦未見機廠中具稟公  
使催運來華其爲丹科一己之私果否訂立合同與價值置造事  
宜殊難憑信茲將丹科開呈所定織機廠名及價值銀數另單譯  
呈請卽照單密查究竟合同如何訂立廠中有無存機價值有無  
浮冒能否毀議停止均祈迅賜詳示當派參贊官瑞沅繙譯官梁  
誠前往照單密查已得端緒合將查開清摺備文咨呈謹將織布  
局洋匠丹科開呈美國所定織布機器廠名件數銀數譯呈鈞鑒  
計開美國羅未爾機器廠 卜洛未登士機器廠 博郎機廠

好京士機廠 卜洛未登士火輪煤氣管廠 依笛生電燈公司  
六處所定合同訂於一千八百八十三年三月分織機貳百張以  
及副件等項價值英洋拾貳萬九千叁百九十壹圓五角二分照  
每洋八錢核算計規銀十萬三千五百十三兩二錢一分利息租  
棧算至一千八百八十六年正月分計美洋二萬六千圓核規銀  
二萬八百兩云云 張任案

二十九日 晴天寒霜甚厚

委員查明上海織布局所定美國各廠機器件數價值分別開列  
計開博郎機廠謹查紐約一埠只有博郎銀行並非機廠字號  
好京士機廠謹查此廠在紐約埠據該廠商人聲稱自一千八百



七十九年以來查無與上海埠交易事件 依笛生電燈公司謹

查該公司亦在紐約埠詢據該公司商人聲稱向有販貨前赴上

海埠交易事件均非上海來埠訂定至有無織布局議定貨物販

貨人現均外出無從查知 卜洛未登士火輪煤氣管廠 水龍

頭二千零八十七箇六寸徑至七分半徑圓鐵筒二萬零八百七

十尺提水抽水鐵筒

此項僅開價銀三千九百圓未據查開丈尺數目

計價值美銀一萬

壹千五百圓謹查卜洛未登士係埠各詢據該廠商人聲稱曾經

織布局定有貨物因逾期未取業經售賣無存仍屬將原定貨物

件數價值開具清單照單譯開以備考核 羅未爾機廠 清棉

花機器五副 紡紗大小機器八副 紡綫機器肥皂路零肥皂年

二十二副 紡綫機器曄合路零肥年二十六副 土潘拳機器  
四副 織三十四寸闊布機器壹百零四副 織三十八寸闊布  
機器九十六副 焙綫機器一副 接布機器一副 壓布機器  
一副 展掃棉花機器一副 繞綫大鐵筒二十條 土顛筒七  
捆 漿鍋一箇 道拳盈肥年六副 零川器具壹箱以上機器  
分裝七百八十木箱計重三百礮機器馬力計二百五十匹每日  
需煤五礮計值美銀五萬三千九百五十六圓四角八仙另外備  
零碎鐵器值銀四百八十五圓三角一仙木箱值銀三千零九十  
六圓六角八仙總計值美銀五萬七千五百三十八圓四角七仙  
謹查羅未爾亦保埠名詢據該廠商人聲稱織布局於西歷一千

八百八十三年十月三十一號訂定大小各項機器久經製齊封  
存候取當令將機器件數箱數價值及馬力數目開具清單照單  
譯呈該商人會稱若織布局再不到取欲將各器件修整變賣惟  
並未提及息銀棧租等項自未便向問將來取貨時恐須議及合  
先聲明 卜洛未登士機廠頭號紡綫機器四副二號紡綫機器  
八副三號紡綫機器十六副 鐵墜六十三箱 木綫盤四十九  
箱以上機器等項分裝八百四十三箱計重一百五十六噸機器  
馬力計二十八匹每日需煤一噸半計價值美銀二萬九千六百  
三十圓零五角一仙息銀四千五百九十二圓七角二仙自西歷一千八百八十八年十二月一號起至一千八百八十九年七月一號止以後如未起運仍每月按算棧

租銀八百五十圓保險銀六百八十五圓總計值美銀三萬五千七百五十八圓四角三仙謹查織布局所定該廠機器等件據該廠商人聲稱西歷一千八百八十三年三月二十九號所定現已製齊封存候取若再不提取息銀照算今算至一千八百八十六年七月一號者西人逐半年清算也 張任案

三十日 小雨

航海委員陳恩燾賈凝禧起行由紐約返中國 琿春近地係西比利亞東南海口附近高麗東岸本中國屬地三十年前讓歸俄國俄地近北極土氣嚴寒海口常冰於操練水師駐泊兵船不便自得琿春近地卽爲屯水師之地三十年來極意經營已爲重鎮

現又造鐵路由彼德堡直達琿春此路約五六年可成 因謹按  
香港琿春兩地中國視之不甚愛惜一以與英一以分俄英人以  
香港爲重鎮俄人以琿春爲重鎮英人以之通商俄人以之兼併  
則俄之爲患尤甚於英中國之棄琿春較棄香港尤爲失算也琿  
春一城孤懸雖有兵弁其勢不敵彼德堡爲歐洲之俄京由此以  
鐵路通琿春將來調兵轉餉節節靈通因竊慮此路一成高麗斷  
不能守高麗不守東三省安能高枕無憂因於光緒九年已疏陳  
之矣